

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2583 del 07/09/2023

Traduzione in ladino

Digitèl scempie: coi 20 de setember pea via i corsc online

Este bon de ruèr ite te tia cartela sanitèra eletronica? Sèste co durèr SPID? Sèste percheche ge vel mudèr la password de tie pc o de tie fonin? Sèste coluns che l é i servijes online sporc da la Provinzia e dal Portal Trentin Lurier? Domanes emportantes, che fèsc pèrt de la vita de duc i dis, a cheles che per poder responder ge vel svilupèr competenzes digitèles che bendeché les é pech cognosciudes da na pèrt de la jent. Per implementèr l svilup de la competenzes digitèles di sentadins del Trentin l é nasciù l projet “Pont digitèl scempie”, finanzia dal PNRR tel chèder del investment “Rei di servijes de semplificazion digitèla” del Dipartiment per la Trasformazion Digitèla e coordinà da la Provinzia autonoma de Trent che, en colaborazion con Tsm-Trentino School of Management à endrezà diesc scontrèdes online che trata dotrei argomenc conscidré fundamentèi per l azes ai servijes digitèi.

La scontrèdes les é debant e duc pel tor pèrt, scin canche l é post. Per tor pèrt, ge vel se enscinuèr. La pruma scontrèda la é en program en mercol ai 20 de setember, da les 17:00 a les 18:00 e la sarà dedichèda a la segurezza informatica. I corsc online l é na pèrt del projet, peà via d’istà, canche l é stat orì 5 portie sul teritorie a Ciavaleis, a Malè, a Rorei, a Tione e a Trent, a chi che pel se oujer i sentadins per aer debant assistenza, compagnament e formazion per la दौरa di servijes e de la tecnologies digitèles.

Via per la setemènes che vegn, vegnarà orì amò 5 portie a Riva del Garda, Perjen, Borgo Valsugana, Primier e Sèn Jan. Dant da la fin del 2024 i portie a la leta de la jent i sarà 22, de gra a la colaborazion anter Provinzia e l Consorzie di Comuns Trentins. Se trata de n servije sport debant e per duc i utenc, coluna mai che sie l’età e l nivel de competenza. Ge vel demò se rresservèr n post sul portel istituzionèl de la Provinzia: www.provincia.tn.it/Digitale-Facile

Per se enscinuèr a la scontrèdes online se pel jir sul sit de Trentino School of Management: <https://www.tsm.tn.it/attività/punto-digitale-facile-seminari-online>

L é ence l numer vert, **800228040**, a chel che se pel domanèr assistenza e duta la informazions per rresservèr la consulenzes o per se enscinuèr ai corsc online.

Chiò te pes veder la intervistes a Cristina Pretto, Sorastanta generèla Umst semplificazion e digitalisazion de la Provinzia autonoma de Trent e a Nicola Villa, responsabol de la Unità trasformazion digitèla e inovazion Tsm:

<https://www.youtube.com/watch?v=bFc4vj0iiME>

Traduzion di Servijes Linguistics e Culturèi del Comun general de Fascia

(cdt)